

金
石
錄



金石錄卷之十

目錄十
五代 唐 國朝

第一千八百一唐天平軍節度使廳記

劉禹錫撰沙門
有璘八分書大

和五年
四月

第一千八百二唐小洞庭五太守讌集記

蘇源明撰後
序令狐楚撰

大和五
年七月

第一千八百三唐白居易游濟源詩

正書大和五年
九月馮宿詩附

第一千八百四唐太清宮鐘銘

馮宿撰柳公權正書
大和五年十二月

第一千八百五唐令狐公先廟碑

劉禹錫撰并正
書大和五年

第一千八百六唐殿中侍御史韋翊墓誌

劉禹錫撰裴
休正書大和

六年
正月

第一千八百七唐六譯金剛經上

唐玄度集王右軍書大和六年春

第一千八百八唐六譯金剛經下

第一千八百九唐襄州文宣王廟記

裴度撰崔倬正書盧弘宣篆大和六

年四
月

第一千八百十唐義成李德裕德政碑上

賈餗撰歸融八分書大和

六年
八月

第一千八百十一唐李德裕德政碑中

第一千八百十二唐李德裕德政碑下

第一千八百十三唐游王屋詩

白居易撰正書
大和六年十月

第一千八百十四唐四望亭記

李紳撰正書無姓
名大和七年二月

第一千八百十五唐李紳法華寺詩

正書大和
七年三月

第一千八百十六唐散騎常侍張谷墓誌

馮宿撰正書
無姓名大和

七年
四月

第一千八百十七唐昇^玄劉先生碑

馮宿撰柳公權正
書大和七年四月

第一千八百十八唐沈傳師攝山題名

正書大和
七年六月

第一千八百十九唐太倉箴

李商隱撰行書無姓
名大和七年十月

第一千八百二十唐育王山常住田碑

萬齊融撰范的
行書大和七年

十二月

第一千八百二十一唐義陽郡王苻璘碑

題中書侍郎同平章事李

宗閱撰宗閱大和七年
為此官柳公權正書

第一千八百二十二唐修龍宮寺碑

李紳撰行書無姓名大和九年四月

第一千八百二十三唐春城院佛殿記

劉慥撰鄭師仁八分書大和九

年五月

第一千八百二十四唐東林寺白氏文集記

白居易撰僧雲臯正

書大和九年八月

第一千八百二十五唐馬先生廟錄

盧中規撰崔植正書大和九年十一

月

第一千八百二十六唐沈傳師墓誌

權璩撰姪堯章正書大和九年十一月

月

第一千八百二十七唐李紳題少林寺詩

正書開成元年七月

第一千八百二十八唐皇甫曙題石佛谷詩

李道夷正書開成元年

年十一月

第一千八百二十九唐贈太尉王智興碑

裴度撰柳公權正書開成元年

元年十一月

第一千八百三十唐文宣王新廟碑

劉禹錫撰盧逕正書開成二年三月

第一千八百三十一唐陰符經序 鄭澣撰柳公權正書
丁居晦篆開成二年

七月

第一千八百三十二唐黃公記 李漢撰八分書無姓
名開成二年十一月

第一千八百三十三唐檢校金部郎中崔稹碑 李絳撰
柳公權

正書

第一千八百三十四唐丞相崔羣碑 裴度撰柳公權正
書上二碑並開成

三年
正月

第一千八百三十五唐淮南監軍韋元素碑 丁居晦撰
柳公權正

書開成三
年七月

第一千八百三十六唐寶稱律師塔銘

劉軻撰陳去病正書開成四年

月七

第一千八百三十七唐淄王傅元公碑

李宗閔撰柳公權正書開成四

年七月

第一千八百三十八唐白蘋洲五亭記

白居易撰馬纘正書開成四年

月十

第一千八百三十九唐宣州觀察使王質碑

劉禹錫撰并正書開

成四年十一月

第一千八百四十唐山南西道驛路記

劉禹錫撰柳公權正書開成四

年

第一千八百四十一唐魏博何進滔德政碑一

柳公權撰并正

書開成五

年正月

第一千八百四十二唐何進滔德政碑二

第一千八百四十三唐何進滔德政碑三

第一千八百四十四唐何進滔德政碑四

第一千八百四十五唐何進滔德政碑五

第一千八百四十六唐李聽碑上

李石撰柳公權正書開成五年二月

第一千八百四十七唐李聽碑下

第一千八百四十八唐贈禮部尚書羅讓碑

王起撰柳公權正書

開成五年二月

第一千八百四十九唐常侍裴恭碑

盧述撰鄭還古正書開成五年四月

第一千八百五十唐沒賀舍利傳

崔瑋撰正書無姓名開成五年十月

第一千八百五十一唐李德裕平泉草木記

開成五年

第一千八百五十二唐李德裕平泉山居詩

上二碑皆李德裕八

分書

第一千八百五十三唐左真人仙堂記

張虛白撰龔真子書開成五年

第一千八百五十四唐沈傳師嶽麓寺詩

行書文宗時作

三〇廿二
第一千八百五十五唐贈太尉李愬碑上

李紆撰沈傳師正書文宗

時立

第一千八百五十六唐李愬碑下

第一千八百五十七唐新修紫極宮記

賈島撰正書無姓名武宗會昌

元年五月

第一千八百五十八唐贈太師崔陞碑

劉禹錫撰柳公權正書會昌元

年五月

第一千八百五十九唐大達法師碑

裴休撰柳公權正書會昌元年十二

月

第一千八百六十唐宣公律院碣

嚴厚本撰柳公權正書會昌元年

第一千八百六十一唐荇溪新亭記

李濟撰楊紹復正書會昌二年正月

第一千八百六十二唐昊天觀碑

王起撰柳公權正書會昌三年十月

第一千八百六十三唐巡幸左神策軍碑上

崔鉉撰柳公權正書

會昌

三年

第一千八百六十四唐巡幸左神策軍碑下

第一千八百六十五唐張弘靖祭唐叔文

李德裕撰正書無姓名會

昌四年

三月

第一千八百六十六唐金剛經

柳公權正書會昌四年四月

第一千八百六十七唐蔚州刺史馬紆墓誌 楊倞撰正書無姓名

會昌四年七月

第一千八百六十八唐贈太子少保高重碑 姪元裕撰柳公權正

書會昌四年十月

第一千八百六十九唐李貽孫神女廟詩 正書無姓名會昌五年九月

月

第一千八百七十唐修文宣王廟記 裴坦撰盧匡書會昌五年十月

第一千八百七十一唐李德裕大孤山賦 篆書無姓名會昌五年

第一千八百七十二唐相國李涼公碑 李德裕撰柳公權正書會昌六年

年三
月

第二千八百七十三唐商於新驛記

韋琮撰柳公權正書宣宗大中年

正月

第一千八百七十四唐山南西道節度使王起碑

李回撰柳

公權正書大
中元年四月

第一千八百七十五唐呂溫祭舜廟文

裴昇之正書大
中元年五月

第一千八百七十六唐牛僧孺碑

李珣撰柳公權正
書大中二年十月

第一千八百七十七唐太子太傅劉沔碑

韓博撰柳公
權正書大中

二年十
二月

第一千八百七十八唐淮陽太守李公廟記 李謙撰募容鎬正書

大中三年三月

第一千八百七十九唐般若心經 徐璋篆大中三年五月

第一千八百八十唐普光王寺碑 李邕撰柳公權正書

第一千八百八十一唐潁亭記 陳寬撰正書無姓名上二碑並大中四年

第一千八百八十二唐醉吟先生傳并墓誌 傅白居易自撰碑李

商隱撰譚邠正書 大中五年四月

第一千八百八十三唐贈太尉李固言碑 李珣撰三從姪儔正書大

中六年 二月

第一千八百八十四唐幽州納降軍使李巖碑 正書撰人姓名

殘缺大中六年六月

第一千八百八十五唐嶺南節度使韋正貫碑 蕭鄴撰柳公權

正書大中六年七月

第一千八百八十六唐魏公謩先廟碑 崔絢撰柳公權正書大中六年

十一月

第一千八百八十七唐河東監軍康約言碑 柳公權撰并正書大

中七年十二月

第一千八百八十八唐蕭穎士庭莎賦 正書無姓名大中七年十月

第一千八百八十九唐吏部尚書高元裕碑

蕭鄴撰柳公權正書

大中七年七月

第一千八百九十唐四證臺記

李商隱撰正書無姓名大中七年十一月

第一千八百九十一唐司徒薛平碑

李宗閔撰柳公權正書

第一千八百九十二唐觀音院記

段成式撰柳公權正書

第一千八百九十三唐起居郎劉公碑

劉三復撰柳公權正書上三碑

並大中七年

第一千八百九十四唐元魯山琴臺記

宋整撰正書無姓名大中八年

正月

第一千八百九十五唐姚勗復真記自撰正書無姓名
大中八年三月

第一千八百九十六唐陳杲仁告身夫人捨宅疏序俞
珣

述并書大中
八年五月

第一千八百九十七唐重陽亭銘李商隱撰正書無姓
名大中八年九月

第一千八百九十八唐大覺禪師碑李吉甫撰蕭起正
書大中八年十二

月

第一千八百九十九唐淮南節度使崔從碑蔣伸撰柳
公權正書

大中
八年

第一千九百唐圭峯禪師碑裴休撰并正書
大中九年正月

九

第一千九百一唐大覺禪師碑 邱丹撰蕭起行書
大中九年五月

第一千九百二唐勸農勅 正書無
姓名

第一千九百三唐陽翟縣水亭記 魏庾撰并正書上二
碑並大中十年五月

第一千九百四唐興唐寺記 撰人姓名殘缺李
袞正書大中十年

第一千九百五唐杜佑莊居記 佑自撰孫愉重立李袞
正書大中十一年四月

第一千九百六唐復東林寺碑 崔黯撰柳公權正書
大中十一年四月

第一千九百七唐南瀆廣源公碑 李景讓撰蓋巨源八
分書大中十二年正

月

第一千九百八唐楊滌妻張氏墓誌 滌自撰并正書行
書銘大中十二年

五月

第一千九百九唐西明寺金剛經

柳公權正書大
中十三年六月

第一千九百十唐兵部尚書盧綸碑

盧言撰崔倬正書
大中十三年七月

第一千九百十一唐定州文宣王廟記

盧肇撰并正書
大中十三年八月

月

第一千九百十二唐儒宮碑

沈佐黃撰杜英正書并
篆大中十三年十一月

第一千九百十三唐萬石君廟碑

石晏撰王藩行書并
篆大中十三年十一月

月

第一千九百十四唐義昌軍節度使杜中立碑

裴坦撰
杜宣猷

正書大中十四年八月

第一千九百十五唐禮部尚書許康佐碑 書撰人姓名殘缺

第一千九百十六唐崇聖寺佛牙碑 孫朴撰王平君行書上三碑皆大中

中立

第一千九百十七唐司空扶風公寫真記 李澄撰蓋巨源書懿宗咸

通元年十一月

第一千九百十八唐令狐楚登白樓賦 令狐澄書咸通二年三月

第一千九百十九唐六譯金剛經 蓋巨源八分書咸通四年六月

第一千九百二十唐尊勝陁羅尼經 于僧翰八分書咸通五年

第一千九百二十一唐潛溪記

杜宣猷撰正書無姓名咸通八年十月

第一千九百二十二唐鄭薰雪霽開講詩

正書無姓名咸通九年九月

第一千九百二十三唐兵部尚書王承業墓誌

鄭言撰柳仲年

正書咸通十年二月

第一千九百二十四唐贈司空孔岑父碑

鄭綯撰柳知微正書咸通

十一年正月

第一千九百二十五唐同昌公主碑

韋保衡撰柳仲年正書咸通十一年

二月

第一千九百二十六唐宿惠山寺詩 王武陵朱宿竇羣正書咸通十二年

月七

第一千九百二十七唐修繁城廟記 曹分撰篆書無姓名咸通十二年九

月

第一千九百二十八唐鄭畋謁昇仙太子廟詩 正書無姓名僖

宗乾符四年閏二月

第一千九百二十九唐李商隱佛頌 吳華篆書廣明元年十月

第一千九百三十唐昭覺寺碑 蕭邁撰劉崇龜正書中和五年正月

第一千九百三十一唐安昌寺碑 周庾信撰令狐渙重書昭宗乾甯元年十

月一

第一千九百三十二唐瘞鶴銘

華陽真逸撰行書無姓名無時代歲月

第一千九百三十三唐千字文

世傳智永書

第一千九百三十四唐冬日陪羣公泛舟詩

謫丹陽功曹掾王某

名缺行書無年月

第一千九百三十五唐金字般若碑

正書無姓名

第一千九百三十六唐柘城令李公德政頌

封利建撰魏崇行書

第一千九百三十七唐立郭林宗碑

行書無姓名

第一千九百三十八唐郭林宗碑陰

第一千九百三十九唐草堂寺報願碑 宋儋文蒯 敬宗正書

第一千九百四十唐寂照寺雙浮圖碑 單江撰 八分書

第一千九百四十一唐孟浩然碣 樊澤撰正 書無姓名

第一千九百四十二唐李氏窠尊銘 篆書無 姓名

第一千九百四十三唐題阮客舊居詩 篆書無 姓名

第一千九百四十四唐椒陵陂詩 韋瓘撰 正書

第一千九百四十五唐金剛經上 正書無 姓名

第一千九百四十六唐金剛經下

第一千九百四十七唐心經 正書無 姓名

第一千九百四十八唐遺教經

正書無姓名

第一千九百四十九唐玉藻詩唱和

沈傳師李德裕正書無姓名

第一千九百五十唐大智禪師碑

正書無書撰人姓名

第一千九百五十一唐通神寺鳳陽門銘

八分書無書撰人姓名

第一千九百五十二唐尊勝幢贊

韓拯文鄔員行書

第一千九百五十三唐楊公史傳記

行書無姓名

第一千九百五十四唐唐(玄)度十體書

第一千九百五十五唐教戒經

正書無姓名

第一千九百五十六唐中書舍人王無競碑

姚洎撰行書無姓名

第一千九百五十七唐梵網經上 正書無姓名

第一千九百五十八唐梵網經下

第一千九百五十九唐無名碑 正書無書撰人姓名

第一千九百六十唐夏日登戲馬臺詩 鄭遂文盧僎撰八分書無姓名

第一千九百六十一唐楠木歌 嚴武撰史俊行書

第一千九百六十二唐郝昂光福寺詩 行書無姓名

第一千九百六十三唐嚴武題龍日寺西龕石壁詩 行書

無姓名

第一千九百六十四唐白居易與劉禹錫書 行書

第一千九百六十五唐立王右軍祠堂記

王師乾撰正書無姓名

第一千九百六十六唐知制誥郭慎微碑

姪洵撰八分書姓名殘缺

京兆金石錄云顧誠奢書

第一千九百六十七唐皇甫湜浯溪詩

第一千九百六十八唐沙門湛然題并陘山壁詩

正書無姓名

第一千九百六十九唐吳興太守厯官記

正書無姓名

第一千九百七十唐李幼卿題瑯琊山詩

八分書無姓名柳遂皇甫

智詩

附

三十九
第一千九百七十一唐李陽冰琴銘

第一千九百七十二唐冰清琴銘

第一千九百七十三唐齊州刺史封公德政碑
李迥秀撰李思

惲行書

第一千九百七十四唐(玄)元皇帝道德銘
李華撰張敬仙書

第一千九百七十五唐然燈經
正書無姓名以上諸碑皆無年月或殘缺

第一千九百七十六唐華嶽題名一

第一千九百七十七唐華嶽題名二

第一千九百七十八唐華嶽題名三

第一千九百七十九唐華嶽題名四

第一千九百八十唐華嶽題名五

第一千九百八十一唐泰山石闕題名上

第一千九百八十二唐泰山石闕題名下

第一千九百八十三唐老子廟石闕題名上

第一千九百八十四唐老子廟石闕題名下

第一千九百八十五後唐汾陽王真堂記

李祝撰李鄂正書末帝清

秦三年八月

第一千九百八十六晉楊凝式書上

第一千九百八十七晉楊凝式書中

第一千九百八十八晉楊凝式書下

第一千九百八十九漢大藏經音序

郭忠恕撰并篆袁正己正書乾祐元

年四月

第一千九百九十漢重修高祖廟碑

趙穎撰郭忠恕八分書乾祐二年

第一千九百九十一漢說文字源

郭忠恕篆并正書乾祐三年七月

第一千九百九十二南唐喬公亭記

徐鉉撰并篆書李璟保大十三年四

月

第一千九百九十三許真人井銘

徐鉉撰并篆書

第一千九百九十四宓子賤碑上同

第一千九百九十五紫極宮石磬銘徐錯撰并篆書上三碑皆無歲月

第一千九百九十六文宣王廟記郭忠恕撰并小篆太祖皇帝乾德元年

第一千九百九十七陰符經郭忠恕小篆古文八分三體乾德四年四月

第一千九百九十八永安院佛殿記劉從義撰郭忠恕篆袁正己正書乾

德五年二月

第一千九百九十九懷嵩樓記李德裕撰郭忠恕八分書并篆無歲月

第二千日本國誥

金石錄卷之十

（This section contains the main body of the text, which is extremely faint and mostly illegible. It appears to be a list of items, possibly inscriptions or artifacts, organized into several vertical columns. The text is bleed-through from the reverse side of the page.)

金石錄卷之十一

跋尾一
三代

古器物銘第一

古鐘銘
方鼎銘
薑鼎銘
祖丁彝銘
兄癸彝銘

古器物銘第二

甗銘
秦鐘銘
周敦銘

古器物銘第四

文王尊彝銘
宋公緜餗鼎銘

古器物銘第五

寶甗鐘銘
楚鐘銘
商雒鼎銘
毛伯敦銘
匱銘
匜銘

古器物銘第六

周姜敦銘
大夫始鼎銘
季嬭彝銘

古器物銘第七

古器物銘第一

古鐘銘

右古鐘銘五十二字藏宗室仲爰家象形書不可盡識
以其書奇古故列於諸器銘之首後又得一鐘銘文正
同一鐸銘字畫亦相類皆錄於後

方鼎銘

右方鼎銘藏岐山馮氏張侍郎舜民云夏時器也字畫
奇怪不可識

薑鼎銘

右薑鼎銘藏秘閣銘一字象薑形呂氏考古圖云卽古

文薑字

祖丁彝銘

右祖丁彝銘藏蔡肇天啟舍人家呂氏考古圖載李氏錄云祖丁者商之十四世帝祖丁也余按夏商時人_情質皆以甲乙爲號今世人所藏彝器銘文如此類甚眾未必帝祖丁也李氏名公麟字伯時父有古器圖一卷行於世云

古器物銘第二

兄癸彝銘

右兄癸彝銘藏穎昌韓氏蓋底皆有銘凡商器款識多

者不過數字而此器獨二十餘字尤爲奇古

古器物銘第四

甗銘

右甗銘按

真宗皇帝實錄咸平三年乾州獻古銅鼎狀方而四足
上有古文二十一字
詔儒臣考正而句中正杜鎬驗其款識以爲史信父甗
中正引說文甗甗也又引墨子夏后鑄鼎四足而方春
秋傳晉侯賜子產二方鼎云此其類也余嘗觀今世

家所藏古甗形製皆圓而此器其下正方故中正等疑爲方鼎之類然方鼎與甗自是兩器今遂以爲一物非也

楊南仲曰史讀爲中音仲

秦鐘銘

右秦鐘銘云丕顯朕皇祖受天命奄有下國十有二公歐陽文忠公集古錄以爲太史公史記於秦本紀云襄公始列爲諸侯而諸侯年表則以秦仲爲始今據年表始秦仲則至康公爲十二公此鐘爲莊公時作也據本

紀自襄公爲始則桓公爲十二公而銘鐘者爲景公也
余按秦本紀自非子爲周附庸邑於秦至秦仲爲大夫
仲死子莊公伐破西戎於是予之秦仲後及其先大駱
地犬邱并有之爲西垂大夫莊公卒子襄公代立犬戎
之難襄公有功周室於是平王始封襄公爲諸侯賜之
岐以西之地曰戎無道侵奪我岐豐之地秦遂能攻戎
卽有其地與誓封爵之襄公於是始國與諸侯通使聘
享之禮而詩美襄公亦以能取周地始爲諸侯受顯服
蓋秦仲初未嘗稱公莊公雖追稱公然猶爲西垂大夫

未立國至襄公始國爲諸侯矣則銘所謂奄有下國十有二公者當自襄公爲始然則銘斯鐘者其景公歟

周敦銘

右周敦而下器銘五皆藏

御府初皇祐閒修大樂有

旨付有司攷其聲律制度而模其銘文以賜公卿楊南仲爲圖刻石者也然其器尋歸禁中故模本世閒絕難得余所藏公私古器款識略盡蓋獨闕此求之久而不獲有董之明子上者家藏古今石刻甚富適有此銘因

河九十七
以遺余之明云卽皇祐賜本也

古器物銘第五

文王尊彝銘

右文王尊彝銘紹聖閒宗室仲忽獲此器以獻有

旨下秘閣考驗而館中諸人皆以爲後世詐僞之物不
當進於

御府於是仲忽坐罰金然其器猶藏秘閣初仲忽以器
銘上一字與小篆鹵字相類遂讀爲魯因以文王爲周
之文王曰此魯公伯禽享文王廟器也其言頗近于夸

故當時疑以爲僞然茲器製作精妙文字奇古決非僞物識者當能辨之惟遂以爲魯公器者初無所據耳

宋公緜餗鼎銘

右宋公緜餗鼎銘元祐閒得於南都藏秘閣底蓋皆有銘按史記世家宋公無名緜者莫知其爲何人也

寶龢鐘銘

右寶龢鐘銘藏太常凡四鐘款識並同初景祐閒李照修雅樂所鑄鐘其形皆圓與古製頗異時有別

詔胡瑗自以管法製鐘磬會官帑中獲此鐘其形如鈴

而不圓馮元等按其款識以爲漢魏時器於是令瑗倣其狀作新鐘一縣十六枚然不獲奏
御但藏諸樂府而已今按此銘文字皆古文爲周以前所作無疑而元以爲漢魏時器蓋失之矣

楚鐘銘

右楚鐘銘政和三年獲於鄂州嘉魚縣以獻字畫奇怪友人王壽卿魯翁得其墨本見遺按銘文云楚公

下一字不

可識必其名也自作按楚自周成王時封熊繹以子男田居楚

至熊渠乃立其三子爲王後復去其王號至熊通始自

立爲楚武王則是楚未嘗稱公不知此鐘爲何人作也
古器物銘第六

毛伯敦銘

右毛伯敦銘凡四其一惟蓋存藏劉原父家其一底蓋
具藏京兆孫氏其一不知所從得銘文皆同原父釋祝
下一字爲鄭遂以爲司馬遷史記所載毛叔鄭器曰武
王克商尙父牽牲毛叔鄭奉明水銘稱伯者爵也史稱
叔者字也敦乃文武時器也今究其點畫殊不類鄭字
而呂氏考古圖釋爲邢皆莫可攷

簠銘

右簠銘本兩器底蓋皆有銘文悉同其一原父以遺歐陽公按集古錄以中上一字爲張字引詩六月篇侯誰在矣張仲孝友曰此周宣王時張仲器也呂大臨考古圖以偏旁推之其字從巨不從長以隸字釋之當爲鉅鉅字雖見於玉篇然古文與隸書多不合未知果是否

匜銘

右匜銘劉原父旣以前一簠爲張仲所作又以此匜爲張伯器曰仲之兄也尤無所據原父於是正之學號稱

精博惟以意推之故不能無失爾

商雒鼎銘

右鼎銘劉原父得於商雒銘云維十有四月蔡君謨嘗
問原父十有四月者何原父不能對呂氏考古圖云古
器銘多有是語或云十三月或云十九月疑人君卽位
居喪踰年未改元故以月數余嘗考之古人君卽位明
年稱元年蓋無踰年不改元之事又余所藏牧敦銘有
云惟王十年十有三月以此知呂氏之說非是蓋古語
有不可曉者闕之可也

周姜敦銘

右周姜敦銘本二器其一原父以遺歐陽公伯下一字
集古錄讀爲冏曰此書所載伯冏穆王時人也而呂氏
考古圖訓作百皆未詳

古器物銘第七

大夫始鼎銘

右大夫始鼎銘按說文對字本從口漢文帝以爲責對
而爲言多非誠對故去其口以從士今驗茲鼎銘及周
以後諸器款識對字最多皆無從口者然則古文大篆

固已不從口矣又疑李斯變古法作小篆對字始從口至文帝復改之耳然書傳不載未敢遂以爲然也

季嬭彝銘

右季嬭彝器藏洛陽趙氏銘字畫與大篆小異蓋古文也當是周初接商時器余徧閱商周諸器銘所謂古文者大率如此而唐人所書皆別作一體筆畫疏瘦與彝鼎閒字絕異雖李陽冰亦爲之不知何所依據余以謂學者學古文當以彝鼎閒字爲法

金石錄卷之十一

石鼓文

石鼓文者周穆王時太史公作石鼓文序云石鼓文者周穆王時太史公作石鼓文序云

石鼓文者周穆王時太史公作石鼓文序云石鼓文者周穆王時太史公作石鼓文序云

石鼓文者周穆王時太史公作石鼓文序云石鼓文者周穆王時太史公作石鼓文序云

石鼓文者周穆王時太史公作石鼓文序云石鼓文者周穆王時太史公作石鼓文序云

石鼓文者周穆王時太史公作石鼓文序云石鼓文者周穆王時太史公作石鼓文序云

石鼓文者周穆王時太史公作石鼓文序云石鼓文者周穆王時太史公作石鼓文序云

石鼓文者周穆王時太史公作石鼓文序云石鼓文者周穆王時太史公作石鼓文序云

金石錄卷之十二

跋尾二 三代

古器物銘第八

父丙彝銘

宋君夫人鼎銘

古器物銘第九

敦銘

宋穆公孫盤銘

散季敦銘

古器物銘第十

井伯敦銘

古器物銘第十一

鼎銘

古器物銘第十二

楚鐘銘

中姑匱銘

車敦銘

古器物銘第十三

齊侯盤銘

古器物銘第十四

秦權銘

汾陰侯鼎銘

銅釜銘

上林供官銅鼎銘

平周金銅鉦銘

古器物銘第十五

谷口銅甬銘

律管銘

古器物銘第八

父丙彝銘

右父丙彝銘舊藏祖擇之舍人家後歸故人王偁唯蓋存已破缺此周器也而猶稱父丙者當是周初接商時器

宋君夫人鼎銘

右宋君夫人鼎銘其文云宋君夫人之餼釵鼎呂氏考古圖云藏秘閣今乃在宗室仲爰家而秘閣所藏自有

宋公繼鼎蓋考古之誤也

古器物銘第九

敦銘

右敦銘藏宗室仲爰家銘文凡二百餘字余所錄諸器銘文字之多無踰此者

宋穆公孫盤銘

右宋穆公孫盤銘元祐閒臨淄縣民於齊故城得數器此其一也藏趙元考內翰家驗其文蓋送女器

散季敦銘

右散季敦銘藏長安呂微仲丞相家底蓋皆有銘考古
圖以太初麻推之爲武王時器未知是否又云武王時
散氏唯有宜生季疑其字者亦何所據哉士大夫於考
正前代遺事其失常在於好奇故使學者難信孔子曰
君子於其所不知蓋闕如也

古器物銘第十

井伯敦銘

右井伯敦銘云惟六月旣生霸戊戌旦王格于大室師
某父卽位井伯右內史冊命錫赤芾對揚王休用作寶

敦其萬年子子孫孫其永寶用古器銘文字難盡通故
時有斷續不可次第處今此銘四十餘字所不識者唯
一字而已因并載其語按左氏春秋傳有井伯然古人
姓名或有同者未可知也

師下一字
不可識

古器物銘第十一

鼎銘

右鼎銘藏蜀人鄧氏銘有云王格大室卽立按古器物
銘凡言卽立或言立中庭皆當讀爲位蓋古字假借其
說見鄭氏注儀禮秦泰山頌詩刻石猶如此

古器物銘第十二

楚鐘銘

右楚鐘銘藏方城范氏云惟王五十六祀楚王

下一字不可識

章按楚惟惠王在位五十七年又其名爲章然則此鐘爲惠王作無疑也方是時王室衰弱六國爭雄楚尤強大遂不用周之正朔嗚呼可謂僭矣鐘背又有兩商字一穆字其義未曉

中姑匜銘

右中姑匜銘與後兩器皆藏李伯時家初伯時得古方

鼎遂以爲晉侯賜子產者後得此匜又以爲晉襄公母
偏姑器殊可笑凡三代以前諸器物出於今者皆可寶
何必區區附託書傳所載姓名然後爲奇乎此好古者
之蔽也

車敦銘

右敦銘其文云作旅車敦莫詳其義

古器物銘第十三

齊侯盤銘

右齊侯盤銘政和丙申歲安邱縣民發地得二器其一

此盤其一匝也驗其文蓋齊侯爲楚女作

古器物銘第十四

秦漢

秦權銘

右秦權銘今世人家所藏秦權至多銘文悉同余所得者凡四銘其二不知所從得其一藏王禹玉丞相家皆銅權也其一近歲出於濟州以石爲之歐陽文忠公集古錄載秘閣校理文同家有二銘其一乃銅鑲上有銘循環刻之不知爲何器余嘗考之亦權也按班固漢書律麻志五權之制圜而環之令之肉倍好者周旋無端

周而復始無窮已也孟康注以謂錘之形如環也然古
權亦有與今稱錘相似者蓋形製不一各從其便爾

汾陰侯鼎銘

右汾陰侯鼎銘舊藏劉原父家今歸

御府按漢書周昌以高祖六年封汾陰侯至其孫國除

銅釜銘

右銅釜銘云長信賜館陶家按漢書外戚傳竇皇后女
嫖封館陶長公主又百官公卿表長信詹事掌皇太后
宮景帝中六年更名長信少府張晏注曰以太后所居

宮爲名也居長信則曰長信少府居長樂則曰長樂少
府然則景帝時官名長信則竇太后居是宮無疑銘雖
無年月然知其爲竇太后賜館陶公主亦無疑也

武安侯器銘

右武安侯家器銘不知所從得按漢書景帝後三年封
田蚡武安侯又楚思王子愷元壽元始中再封武安侯
銘無年月未知果誰所作又按帝紀楚懷王嘗封高祖
爲武安侯然驗其刻畫疑非高祖時器

周陽家鐘銘

右鐘銘藏歐陽公家其器壺也銘云畔邑家令周陽家
金鐘容十斗重三十八斤第四十二云

上林供官銅鼎銘

右上林供官銅鼎銘不知所從得銘有監工李負芻按
後漢人絕無二名者此鼎蓋西漢器也

平周金銅鉦銘

右銅鉦銘云平周金銅正重十六斤八兩背文云平定
五年受園陰士大夫頗疑前代年號無爲平定者余嘗
考之蓋非年號也按西漢書地理志平周平定園陰三

縣皆屬西河郡圜陰漢惠帝五年置此鉦先藏平周後歸圜陰後以授平定故再刻銘爾所謂五年者當是景帝以前未有年號時也前世既無平定年號而三縣皆隸西河故知其如此又漢書地理志圜陰王莽改曰方陰顏師古云圜字本作囿縣在囿水之陰因以爲名王莽改爲方陰則是當時已誤爲圜今有銀州銀水卽是舊名猶存但字變耳其說出於酈道元注水經今按茲器漢時所刻乃爲圜字然則師古何所依據遂以爲囿乎恐亦臆說也

公案其器蓋出酈道元注水經云報曰來合周禮案

古器物銘第十五

谷口銅甬銘

右谷口銅甬銘舊藏劉原父家一器而再刻銘始歐陽公集古錄金石遺文自三代以來法書皆備獨無西漢文字求之累年不獲會原父守長安長安故都多古物奇器原父好奇博識皆購求藏去最後得斯器及行鐙博山香鼎模其銘文以遺歐陽公於是西漢之書始傳於世矣蓋收藏古物實始於原父而集錄前代遺文亦自文忠公發之後來學者稍稍知搜抉奇古皆二公之

力也

律管銘

右律管銘藏晁無咎學士家云始建國元年正月癸酉朔日制按晉書律麻志律古以竹或玉爲之至平帝時王莽始易以銅又漢書莽以十二月朔癸酉爲建國元年正月之朔二說皆合也

金石錄卷之十二

金石錄卷之十三

跋尾三
秦漢

三代

安州所獻六器銘

齊鐘銘

家藏古器物銘上

父乙彝銘

爵銘

戟銘

家藏古器物銘下

孟姜盥匜銘
漢廩上宮鐙銘

田鼎銘

石本古器物銘

吉日癸巳字

石鼓文

秦詛楚文

玉璽文

秦泰山刻石

秦琅邪臺刻石

秦之朶山刻石

秦嶧山刻石

安州所獻六器銘

右六器銘重和戊戌歲安州孝感縣民耕地得之自言
於州州以獻諸

朝凡方鼎三園鼎二甗一皆形製精妙款識奇古按此

銘文多者至百餘字其義頗難通又稱作父乙父己寶彝若非商末卽周初器也

齊鐘銘

右齊鐘銘宣和五年青州臨淄縣民於齊故城耕地得古器物數十種其閒鐘十枚有款識尤奇最多者幾五百字今世所見鐘鼎銘文之多未有踰此者驗其文有
余一人及齊侯字蓋周天子所以命賜齊侯齊侯自紀其功勳者初鐘旣出州以獻於

朝又命工圖其形製及臨倣此銘刻石旣非善工而字

有漫滅處皆以意增損之以此頗失真今余所藏乃就鐘上摹拓者最得其真也

家藏古器物銘上

父乙彝銘

右父乙彝銘其器鼎也而謂之彝者按說文彝宗廟常器然以古器款識考之商以前凡器通謂之彝至周以後乃有六彝之名於是直以盛鬱鬯之尊爲彝其名與諸器始分矣此鼎蓋商器云

爵銘

右爵銘大觀中澠之昌樂丹水岸圯得此爵及一觚按
考工記爵一升觚三升獻以爵而酬以觚一獻而三酬
則一豆矣鄭氏云豆當讀爲斗而漢儒皆以爲爵一升觚二升今
此二器同出以觚量之適容三爵與考工記合以此知
古器不獨爲玩好又可以決經義之疑也

戟銘

右戟銘其器得於青之益都傍枝爲鉤形製作甚工與
今世人家所藏古戈戟形製不同按楊雄方言戟其曲
者謂之鉤子鏘胡郭璞注曰卽今鷄鳴句子戟也春秋

左氏傳欒樂車乘槐本而覆或以戟鉤之呂氏春秋晏子與崔杼盟直兵造匈匈兵鉤頸高誘注曰匈戟也賈誼過秦論云鉤戟長鍛此戟蓋古所謂鉤戟也

家藏古器物銘下

孟姜盟匱銘

右孟姜盟匱銘余所錄古器款識有叔匱銘匱字作鉅後又得伯公父匱銘字作盭今此銘作盭蓋古書不必同文然三字意義皆通

田鼎銘

右田鼎銘云自作田鼎疑田獵所用也

漢廩正宮鐙銘

右漢廩正宮鐙銘得於澶淵云廩正宮銅鐙重二十斤八兩甘露三年工郭從都吏李定造蓋宣帝時物也所謂廩正宮者不見于史蓋秦漢離宮別館所在有之故史家不能盡記廩正在漢屬東郡

石本古器物銘

右石本古器物銘余既集錄公私所藏三代秦漢諸器款識略盡乃除去重復取其刻畫完好者得三百餘銘

一〇九九
金二二二
皆模刻於石又取墨本聯爲四大軸附入錄中近世士大夫閒有以古器銘入石者然往往十得一二不若余所有之富也

吉日癸巳字

右吉日癸巳字世傳周穆王書按穆王時所用皆古文科斗書此字筆畫反類小篆又穆天子傳史記諸書皆不載以此疑其非是姑錄之以待識者

石鼓文

右石鼓文世傳周宣王刻石史籀書歐陽文忠公以謂

今世所有漢桓靈時碑往往而在距今未及千載大書
深刻而摩滅者十猶八九自宣王時至今實千有九百
餘年鼓文細而刻淺理豈得存以此爲可疑余觀秦以
前碑刻如此鼓及詛楚文泰山秦篆皆麤石如今世以
爲碓臼者石性旣堅頑難壞又不堪他用故能存至今
漢以後碑碣石雖精好然亦易剝缺又往往爲人取作
柱礎之類蓋古人用意深遠事事有理類如此況此文
字畫奇古決非周以後人所能到文忠公亦以爲非史
籀不能作此論是也

秦詛楚文

右秦詛楚文余所藏凡有三本其一祀巫咸舊在鳳翔府廨今歸

御府此本是也其一祀大沈久湫藏於南京蔡氏其一祀亞駝藏於洛陽劉氏秦以前遺跡見於今者絕少此文皆出於近世而刻畫完好文詞字札奇古可喜元祐閒張芸叟侍郎黃魯直學士皆以今文訓釋之然小有異同今盡錄二家所釋於左方俾覽者詳焉

玉璽文

右玉璽文元符中咸陽所獲傳國璽也初至京師執政以示故將作監李誠誠手自摹印之凡二本以其一見遺焉

秦泰山刻石

右秦泰山刻石大中祥符歲

真宗皇帝東封此山兗州太守模本以獻凡四十餘字其後宋莒公模刻於石歐陽公載於集古錄者皆同蓋碑石爲四面其三面稍摩滅故不傳世所見者特二世詔書數十字而已大觀閒汶陽劉跂斯立親至泰山絕

頂見碑四面有字乃模以歸文雖殘缺然首尾完具不可識者無幾於是秦篆完本復傳世閒矣以史記本紀考之頗多異同史云親巡遠方黎民而碑作親輶遠黎史云大義休明而碑作著明史云垂于後世而碑作陲于後嗣史云皇帝躬聖而碑作躬聽史云男女禮順而碑作體順史云施于後嗣而碑作昆嗣史云具刻詔書刻石而碑作金石刻皆足以正史氏之誤然則斯碑之可貴者豈特玩其字畫而已哉碑旣出斯立模其文刻石自爲後序謂之泰山秦篆譜云

秦琅邪臺刻石

右秦瑯琊臺刻石在今密州其頌詩亡矣獨從臣姓名及二世詔書尙存然亦殘缺熙甯中蘇翰林守密令廬江文勛模搨刻石卽此碑也從臣姓名五大夫作夫夫泰山秦篆亦如此或以謂古大與夫同爲一字恐不然余家所藏古器款識有周大夫始鼎及秦權銘黔首大安皆用大字蓋古人簡質凡字點畫相近及音同者多假借用之別無他義東漢時碑刻尙多如此

秦之采山刻石

右秦之朶山刻石按史記本紀始皇二十九年登之朶山凡刻兩碑今皆摩滅獨二世詔二十餘字僅存後人鑿石取置郡廨歐陽公集古錄以爲非真又云麻溫故學士於登州海上得片木有此文豈杜甫所謂棗木傳刻肥失真者耶此論非是蓋杜甫指嶧山碑非此文明矣之朶在秦屬東萊今屬登州

秦嶧山刻石

右秦嶧山刻石者鄭文寶得其摹本於徐鉉刻石寘之長安此本是也唐封演聞見記載此碑云後魏太武帝

登山使人排倒之然而歷代模拓之以爲楷則邑人疲
於供命聚薪其下因野火焚之由是殘缺不堪摹寫然
猶求者不已有縣宰取舊文勒於石碑之上置之縣廨
今人閒有嶧山碑者皆是新刻之本而杜甫詩直以爲
棗木傳刻者豈又別有本歟按史記本紀二十八年始
皇東行郡縣上鄒嶧山立石與魯諸儒生議刻石頌秦
德而其頌詩不載其他始皇登名山凡六刻石史記皆
具載其詞而獨遺此文何哉然其文詞簡古非秦人不
能爲也秦時文字見於今者少此雖傳模之餘然亦自

金石錄卷之十四

跋尾四
漢

漢陽朔塼字

漢居攝墳壇刻石二

漢巴官鐵量銘

漢會稽東部都尉路君闕銘

漢南武陽功曹闕銘

漢王稚子闕銘

漢謁者景君表

漢謁者景君碑陰

漢郟令景君闕銘

漢麟鳳贊并記

漢國三老袁君碑

漢西嶽石闕銘

漢張平子碑

漢張平子殘碑

漢北海相景君碑

漢北海相景君碑陰

漢敦煌長史武班碑

漢武氏石闕銘

漢費亭侯曹騰碑

漢司隸楊厥開石門頌

漢吳郡丞武開明碑

漢祝長嚴訢碑

漢從事武梁碑

漢平都侯相蔣君碑

漢陽朔塹字

右漢陽朔塹字云尉府靈璧陽朔四年正朔始造設已

所行字畫奇古西漢文字世不多有此字完好可喜然
所謂尉府靈璧又云已所行者莫曉其爲何等語

漢居攝墳壇刻石二

右漢居攝墳壇刻石二其一云上谷府卿墳壇其一云
祝其卿墳壇皆居攝二年三月造上谷郡名祝其縣名
不知所謂府卿與縣卿爲何官蓋自王莽居攝官名日
易故史家不能盡紀也其曰墳壇考古未有土木像故
爲壇以祀之兩漢時皆如此

漢巴官鐵量銘

此盆色類丹砂魯直石刻云其一曰秦刀巴
官三百五十戊永平七年第二十七酉余紹
興庚午歲親見之今在巫山縣治韓暉仲云
右漢巴官鐵量銘云巴官永平七年三百五斤第二十
七前代以永平紀年者凡五漢明帝晉惠帝後魏宣武
李密僞蜀王建惟明帝至十八年其他皆無及七年者
以此知爲明帝時物也

漢會稽東部都尉路君闕銘

右漢路君闕銘二其一云會稽東部都尉路君闕永平

八年四月十四日庚申造其一云君故豫州刺史溫令
元城令公車司馬令開陽令謁者議郎徵試博士路君
不知爲何人按漢書志建武六年省諸郡都尉唯邊郡
往往有之豈會稽邊海故置此官歟又任延嘗爲會稽
西部都尉而此云東部疑當時會稽分東西部各置都
尉史不載爾

漢南武陽功曹闕銘

右漢南武陽功曹墓闕銘云南武陽功曹鄉嗇夫又云
以爲國三老又云章和元年其它族系名字皆摩滅不

可考究墓在今沂州有兩闕其一銘元和中立文字尤
殘缺難讀

漢王稚子闕銘

右漢王稚子闕銘二其一云漢故先靈侍御史河內縣
令王君稚子闕其一云漢故兗州刺史洛陽令王君稚
子之闕按范曄後漢書循吏傳王渙字稚子嘗爲溫令
而刻石爲河內令者蓋史之誤渙以元興元年卒然則
闕銘蓋和帝時所立也

漢謁者景君表

右漢謁者景君表其額題漢故謁者景君墓表而其文
云惟元初元年五月丁卯故謁者任城景君卒其它文
字摩滅時有可讀處皆斷續不復成文矣元初安帝時
年號也此在漢時石刻中殘缺爲甚特以安帝以前碑
碣存者無幾不可棄也故錄之

漢謁者景君碑陰

右漢謁者景君碑陰其前題云諸生服義者又云義士
北海劇張敏字公輔弟子濟北荏平甯尊字伯尊凡十
五人皆完好可讀云

漢郟令景君闕銘

右漢郟令景君闕銘云維元初四年二月丙戌郟令景君卒又云君存時恬然無欲樂道安貧信而好古非法不言治歐陽尚書傳祖父河南尹父步兵校尉業門徒上錄三千餘人又云三司聘請流化下邳又云司空太常博士竝舉高經君爲其元假涂郟城奸邪洗心又云被病喪身歸於幽冥門人服義百有餘人按漢人爲景君刻銘本欲傳於不朽而不著其族系名字何哉

漢麟鳳贊并記

右漢麟鳳贊其上刻麟鳳像各為贊附於下又別有記

云永建元年秋七月七字筆畫類十字蓋石本殘缺山難辨秋無十月當讀為七也

陽太守河內孫君新刻瑞像麟鳳最後有銘銘凡五句

句九字按漢史安帝時頻有鳳凰麒麟之瑞而順帝永

建中則無之不知孫君刻此碑何謂也

漢國三老袁君碑

右漢國三老袁君碑按元和姓纂云袁幹封貴鄉侯始

居陳郡為著姓八代孫良生昌璋昌生安璋生滂為司

徒唐書宰相世系表云袁生玄孫幹封貴鄉侯八世孫

良二子昌璋昌成武令生安璋生滂以此碑及後漢書
考之姓纂與唐表殊爲疏謬袁安列傳云安祖父良平
帝時舉明經爲太子舍人建武中至成武令今據此碑
良以永建六年卒相距蓋百有餘年以此知非一人無
疑又安以永元四年薨良之卒乃在其後三十九年以
此知非安之祖亦無疑也蓋安汝南汝陽人滂乃陳郡
扶樂人其鄉里族系亦自不同而安與滂相去歲月甚
遠不得爲從父兄弟明矣豈二人之祖其名偶同遂爾
差謬耶又此碑與李利涉編古命氏皆云良幹五世孫

而姓纂唐史皆以爲八代孫碑云幹袁生之曾孫而唐史以爲④孫諸書皆云幹以討公孫勇功封貴鄉侯而碑獨作公先勇又云封關內侯食遺鄉六百戶者皆莫可考安列傳稱祖良爲成武令而唐史謂昌爲此官者疑唐史之誤也又酈道元水經注扶溝城北有袁梁碑云梁陳國扶樂人事與碑合唯水經誤以良爲梁耳袁氏自漢以來世爲著姓安與滂皆一時顯人而諸書於其族系錯謬如此以此知典籍所載其失可勝道哉

漢西嶽石闕銘

右漢西嶽石闕銘云永和元年五月癸丑朔六日戊午
①農太守常山元氏張勳爲西嶽華山作石闕高二丈
二尺其後爲韻語文詞頗怪又字多假借時有難曉處
永和漢順帝晉穆帝姚泓皆有此號穆帝時華陰不屬
晉以此碑字畫驗之恐非姚泓時蓋漢刻也又按晉書
載紀姚興與泓傳本朝宋莒公紀年通譜皆云泓以義
熙十二年卽僞位改元永和獨帝紀作十一年未知孰
是因考永和年號并記之

漢張平子碑

右漢張平子碑按後漢書列傳云平子永元中舉孝廉連辟公府不就安帝雅聞衡善術學公車特徵拜郎中而碑乃云舉孝廉爲尚書侍郎傳云再遷爲太史令而碑乃一遷碑云遷公車司馬令遂相河閒而傳不載其爲公車司馬令傳曰在河閒三年上書乞骸骨徵拜尚書乃卒而碑不載其爲尚書此數事皆當以碑爲據惟傳曰順帝初再徵爲太史令其事見平子所爲應閒可信不疑而碑無之豈平子初嘗罷免後復拜此官而碑不書歟

漢張平子殘碑

右漢張平子殘碑政和中亡友劉斯立以此本見寄云其石新得於南陽凡七十有二字今世所傳平子碑有兩本其一亡其首其一亡其尾以二本相補其文乃足此碑蓋後段之亡失者也字畫尤完好云

漢北海相景君碑

右漢北海相景君碑在濟州任城縣景氏在漢世爲任城人今有三碑尚存余嘗得之此碑最完

漢北海相景君碑陰

右漢景君碑陰按後漢書百官志注河南尹官屬有循
行一百三十人而晉書職官志州縣史皆有循行今此
碑陰載故吏都昌台邱暹而下十九人皆作脩行他漢
及晉碑數有之亦與此碑陰所書同豈循脩字畫相類
遂致訛謬耶碑陰又有故午營陵是遷等六人名姓莫
知其爲何官又台邱不見于姓氏書惟見於此者兩人
云

漢敦煌長史武班碑

右漢敦煌長史武班碑歐陽公集古錄云漢班碑者蓋

其字畫殘缺不復成文其氏族官闕卒葬皆莫可見其
可見者君諱班爾今以余家所藏本攷之文字雖漫滅
然猶歷歷可辨其額題云漢故敦煌長史武君之碑知
其姓武而官爲敦煌長史也碑云君諱班字宣張昔殷
王武丁克商伐鬼方元功章炳勳藏王府官族析分因
以爲氏知其名字與氏族所出也又云永嘉元年卒知
其卒之年月也

漢武氏石闕銘

右漢武氏石闕銘云建和元年太歲在丁亥三月庚戌

朔四日癸丑孝子武始公弟綏宗景興開明使石工孟
季季弟卯造此闕直錢十五萬孫宗作師子直四萬開
明子宣張仕濟陰年二十五曹府君察舉孝廉除敦煌
長史被病云歿苗秀不遂嗚呼哀哉士女痛傷武氏有
數墓在任城開明者仕爲吳郡府丞綏宗名梁仕爲郡
從事宣張名班皆自有碑

漢費亭侯曹騰碑

右漢費亭侯曹騰碑云維建和元年七月二十二日己
巳皇太后曰其遣費亭侯之國爲漢輔藩而歐陽公集

古錄乃言皇帝若曰其遣費亭侯之國誤也按後漢書
建和元年桓帝卽位梁太后臨朝稱制蓋此碑所載遣
騰之國詔書乃梁太后非桓帝也東漢自安順已來闡
豎尊寵用事往往封侯貴顯其後騰之孫操及其曾孫
丕再世數十年憑藉勢力卒移漢祚而有之以此觀之
闡豎用事之禍可勝言哉

漢司隸楊厥開石門頌

右漢司隸楊厥開石門頌余嘗讀范曄後漢書鄧騭傳
有云時遭元二之災人士饑荒章懷太子注以謂元二

卽元元也古書字當再讀者卽於上字下爲小二字後人不曉遂讀爲元二或同之陽九或附之百六良由不悟致斯乖舛今岐州石鼓銘凡重言者皆爲二字明驗也其說甚辨學者信之今此碑有曰中遭元二西戎虐殘橋梁斷絕若讀爲元元則爲不成文理疑當時自有此語漢書注未必然也

漢吳郡丞武開明碑

右漢吳郡丞武開明碑云君字開明而其名已殘缺又云永和二年舉孝廉除郎謁者漢安二年遷大長秋丞

長樂太僕丞永嘉元年喪母去官復拜郎中除吳郡府丞壽五十七建和二年十一月十六日遘疾卒其可見者如此其他摩滅不能盡讀按後漢書志大長秋丞一人秩六百石本注宦者又長樂少府位在長秋上及職吏皆宦者又有太僕二千石在少府上丞六百石據志所載中宮及長樂宮官屬皆以宦者爲之而以史傳及漢魏石刻參考如大長秋少府之類皆雜用士人今武君以孝廉爲郎謁者郎中吳郡府丞皆非宦者之職然則兩宮官屬蓋亦雜用士人也

漢祝長嚴訢碑

右漢祝長嚴訢碑政和中下邳縣民耕地得之碑云惟
漢中興卯金休烈和平元年歲治東宮星屬角房月建
朱鳥中呂之均萬物慈躬華澤青蔥跂行蠕動咸守厥
常人物同授獨遭災霜顛隕徂落壽不寬弘經設三命
君獲其央年六十九又云伊歎嚴君諱訢字少通兆自
楚莊祖考相承招命道術治嚴氏春秋馮君章句又云
幼爲郡掾史會稽諸暨尉烏程毘陵餘暨章安山陰長
以病去官後爲丹楊陵陽丞守春穀長舉孝廉遷東牟

侯相下邳祝長典牧十城所在若神其後有銘銘爲五
言頗殘缺難讀云

漢從事武梁碑

右漢從事武梁碑云故從事武掾掾諱梁字綏宗掾體
德忠孝岐嶷有異治韓詩闕幘傳講兼通河洛諸子傳
記又云州郡請召辭疾不就安衡門之陋樂朝聞之義
又云年七十四元嘉元年季夏三日遭疾隕靈其後有
銘云懿德_玄通幽以明兮隱居靖處休曜章兮樂道忽
榮垂蘭芳兮身歿名存傳無疆兮其它刻畫皆完好可

讀文多不盡錄碑在濟之任城余崇甯初嘗得此碑愛其完好後十餘年再得此本則缺其最後四字矣

漢平都侯相蔣君碑

右漢平都侯相蔣君碑文字殘缺其名字官闕皆不可考惟其額題漢故平都侯相蔣君之碑而碑云年六十有五元嘉二年三月甲午卒爾有劉季孫景文者知名士與余先公有舊家藏金石刻千餘卷旣歿其子不能保爲一武人購得之其後余故人王偁定觀復得數百卷其中漢碑數本余所未有者悉以見贈此其一也

金石錄卷之十四

金石錄卷之十五

跋尾五
漢

漢孔子廟置卒史碑

漢東海相桓君海廟碑

漢孔君碣

漢韓明府孔子廟碑

漢吉成侯州輔碑

漢州輔碑陰

漢州輔墓石獸膊字

漢郎中鄭君碑

漢丹楊太守郭^景碑

漢議郎元賓碑

漢孫叔敖碑陰

漢封邱令王元賞碑

漢王元賞碑陰

漢冀州刺史王純碑

漢王純碑陰

漢倉頡廟人名

漢成臯令任伯嗣碑

漢任伯嗣碑陰

漢平輿令薛君碑

漢泰山都尉孔宙碑

漢孔宙碑陰

漢西嶽華山廟碑

漢老子碑

漢荊州刺史度尚碑

漢孔子廟置卒史碑

右漢孔子廟置卒史碑其前有司徒吳雄司空趙戒奏

章歐陽文忠公具載於集古錄其後又有魯相奏記司徒司空府文字尤爲完好云永興元年六月甲辰朔十八日辛酉魯相平行長史事卞守長擅叩頭死罪敢言之司徒司空府壬寅詔書爲孔子廟置百石卒史一人掌主禮器選年四十以上經通一藝雜試能奉弘先聖之禮爲宗所歸者平叩頭死罪謹按文書守文學掾魯孔龢師孔憲戶曹史孔覽等雜試龢修春秋嚴氏經通高第事親至孝能奉先聖之禮爲宗所歸除龢補名狀如

喜故備

錄之且以見漢時郡國奏記公府其體如此也按華陽國志後漢書注皆云趙戒字志伯而此碑乃作意伯疑其避桓帝諱故改焉

漢東海相桓君海廟碑

右漢東海相桓君海廟碑云惟永壽元年春正月有漢東海相桓君又云熹平元年夏四月東海相山陽滿君其餘文字完者尚多大略記修飾祠宇事而其銘詩有云浩浩倉海百川之宗知其爲海廟碑也桓君與滿君皆不著其名莫知爲何人碑在今海州

漢孔君碣

右漢孔君碣在孔子墓林中其額題孔君之墓文已殘缺其前云元年乙未而元年上闕二字按東漢自建武以後唯桓帝永壽元年歲次乙未其它有三乙未皆非元年然則此碣所闕二字當爲永壽也

漢韓明府孔子廟碑

右漢韓明府孔子廟碑其略云君造立禮器樂之音符鐘磬瑟鼓雷洗觴觚爵鹿柎桓籩枳禁壺修飾宅廟更造二輿所謂鹿者禮圖不載莫知爲何器又據字書枳

木皮可爲索壹陳樂也亦非器名皆不可曉故并著其語以俟知者

余後見汶陽陳氏所藏古彝爲伏鹿之形近歲青州獲一器亦全爲鹿形疑所謂鹿者因其形而名之耳

漢吉成侯州輔碑

右漢吉成侯州輔碑名字已殘缺其額題云漢故中常侍長樂太僕吉成侯州君之銘輔名姓見范曄後漢書宦者傳以定策立桓帝與曹騰等七人同時封爲亭侯

今此碑載當時詔書有云其封輔為葉吉成侯以此知其名輔而酈道元注水經云滄水南有漢中常侍長樂太僕吉成侯州苞冢冢前有碑其詞云六帝四后是謔是諷今驗其銘文實有此語獨以輔為苞蓋水經之誤當取漢史及此碑為正

漢州輔碑陰

右漢州輔碑陰京兆尹延篤叔堅而下題名者凡四十餘人自東漢以後一時名卿賢大夫死而立碑則門生故吏往往寓名其陰蓋欲附託以傳不朽爾今輔一宦

者而碑陰列名者數十人雖當代顯人如延叔堅亦預
焉有以見權勢之盛如此雖然區區掛名於此者亦可
恥也夫

漢州輔墓石獸膊字

右漢州輔墓石獸膊字酈道元注水經云州君墓有兩
石獸已淪沒人有掘出一獸猶不全破甚高壯頭去地
丈許制作甚工膊上刻作辟邪字余初得州君墓碑又
覽水經所載意此字猶存會故人董之明守官汝潁閒
因託訪求之踰年持以見寄其一辟邪道元所見也其

三〇卅八
一乃天祿字差大皆完好可喜之明又云天祿近歲爲
村民所毀辟邪雖存然字畫已殘缺難辨此蓋十年前
邑人所藏今不可復得矣

漢郎中鄭君碑

右漢郎中鄭君碑賈誼過秦論云九國之師遁巡而不
敢進顏師古曰遁音千旬反流俗書本巡字誤作逃讀
者因之而爲遁逃之義潘岳西征賦云遁逃以奔竄斯
亦誤矣今此碑有云推賢達善逡遁退讓詳其文意亦
是逡巡之義然二字決非一音蓋古人用字與後世頗

異又多假借故時有難曉處不知顏氏何所據遂音遁
爲遂乎

漢丹楊太守郭曼碑

右漢丹楊太守郭曼碑云君諱曼字巨公有周之裔也
又云治律小杜幼仕州郡察孝廉除郎中謁者遷敬陵
園令廷尉左平治書侍御史獄刑無頗憲臺如砥以父
憂去官還拜郎中侍御史遭母憂服除復拜郎中治書
侍御史遷冀州刺史徵拜尚書是時淮夷蠢運帝疇官
綏策書褒厲俾守丹楊爲政四年以公事去官年過耳

順寢疾隕頽延熹元年十月戊戌卒其十二月丙申葬
微言絕矣諸子曷仰三載禮闕迺羣相與刻石勒銘最
後云昔君卽世雖立碑頌裁足載字加有瑕下缺一字君之
弟故太尉薨歸葬舊陵於是從子故五原太守鴻議郎
呆及膾孫某其名殘缺懷祖之德乃更刻石不改舊文蓋用
昭明祖勳焉郭氏爲陽翟著姓自躬以來世以通法律
顯名此碑所謂太尉公者禧也

漢議郎元賓碑

右漢議郎元賓碑者在今亳州姓名已殘缺所可見者

云字元賓魯相之孫又云舉孝廉除倉龍司馬衛尉察
尤異遷吳令視事二稔民用甯康州辟從事公車徵拜
議郎年四十八延熹二年二月卒使者臨弔賻贈特加
其餘文字完好者尚多惜其名氏皆亡也

漢孫叔敖碑陰

右漢孫叔敖碑陰云延熹二年中夏之節政在封表期
思長光視事一紀訪問國中耆年素聞孫君楚時良輔
又云博采遺苗曾玄孫子考龜吉辰五月癸卯宜以存
廢可立禋祀招請諸孫都會國右郭西道北處所顯好

典上宰祭倡優鼓舞又云相君有三嗣長子卽封食邑
 固始少子在江陵中子居三下一字又云相君卒後十
 有餘世有渤海太守其後歷敘子孫名字甚詳而文字
 斷續不可次第按期思長光碑陰不載姓氏叔敖碑雖
 有之然已殘缺矣漢時令長有在官一紀不遷者乃知
 前世官吏重於移易如此不惟吏民免送迎之擾而士
 人亦皆安於其職無僥倖苟進之心與後世異矣

漢封王元賞碑

右漢封王元賞碑其姓名已殘缺所可見者字元

賞而已云察舉孝廉郎謁者考工苑陵葉封卽令而銘
文亦有撫臨三國之語歐陽公集古錄云爲苑陵丞者
蓋誤以葉字爲丞爾

漢王元賞碑陰

右漢王元賞碑陰載門生姓名有云右奔喪右斬杖三
年余嘗謂聖人之制禮爲可繼也無過與不及之弊務
合於中庸而已禮曰事師無犯無隱服勤至死心喪三
年孔子之喪門人疑所服子貢曰昔者夫子之喪顏淵
若喪子而無服喪子路亦然請喪夫子若喪父而無服

三十一
金十五
彼漢人爲王君乃爲斬衰之服於禮無乃過乎

漢冀州刺史王純碑

右漢冀州刺史王純碑延熹四年立桑欽水經云濟水
北逕須句城西酈道元注濟水西有安民山山西有漢
冀州刺史王紛碑漢中平四年立按地里書須句卽今
中都縣此碑在中都又其官與姓氏皆合疑其是也然
以純爲紛以延熹爲中平則疑水經之誤

漢王純碑陰

右漢王純碑陰其前題門生人名自東平馮定伯而下

文字完好可識者百九十餘人磨滅不可識者又九十餘人字畫_①勁可喜其後題義士名云各發聖心共出義錢埤碑石直刊紀姓名埤當讀爲裨助之裨漢時墓碑多其門生故吏所立往往各紀姓名于碑陰或載所出錢數其非門生故吏而出錢者謂之義士今漢人爲王君出錢造碑而云各發聖心可謂陋矣

漢倉頡廟人名

右漢倉頡廟人名歐陽公集古錄云此碑有蓮勺左鄉有秩池陽左鄉有秩池陽集水有秩皆不知是何名號

又有夏陽侯長祿祔侯長則是縣吏之名其字畫不甚
精又無事實可考姑疑其名號以俟知者爾按前漢書
張敞以鄉有秩補太守卒史後漢書百官志鄉置有秩
三老游徼本注曰有秩郡所置秩百石掌一鄉人注引
漢官曰鄉戶五千則置有秩風俗通曰秩則田閒大夫
言其官裁有秩耳然則有秩蓋亦鄉吏名也

漢成臯令任伯嗣碑

右漢成臯令任伯嗣碑其首已殘缺其可見者云字伯
嗣南郡編人也其先蓋任座之苗胄又云舉孝廉除郎

中蜀郡府丞江州令以服去官爲筑陽侯相延熹五年
遷東臨縣其後歷敘政績又云遷君桂陽最後云都邑
謠詠甄勒勳績永昭於後碑在今汜水縣汜水在漢爲
成臯此碑蓋成臯令德政頌爾後漢書桓帝紀延熹八
年有桂陽太守任脣以此碑校之歲月相符又名與字
協知其名脣也

漢任脣嗣碑陰

右漢任伯嗣碑陰大觀初獲此碑寘於汜水輦運司廨
舍壁間余聞其陰有字因託人諷邑官破壁出之遂得

三十一
金十五
此本蓋漢碑有陰者十七八世多棄而不錄爾

漢平輿令薛君碑

右漢平輿令薛君碑文字完好云惟延熹六年春二月平輿令薛君卒嗚呼哀哉吏民其咨咨君之德迺建碑石於墓之側其後有銘三百餘言敘述甚詳惟不載其名字世系故莫得而考焉

漢泰山都尉孔宙碑

右漢泰山都尉孔宙碑宙孔北海父也見後漢書融列傳又據桓帝紀泰山都尉元壽元年置延熹八年罷宙

以延熹四年卒蓋卒後四年官遂廢矣

漢孔宙碑陰

右漢孔宙碑陰門生有鉅鹿廣宗捕巡字升臺按氏族書如姓苑姓纂皆無捕姓獨見於此碑爾

漢西嶽華山廟碑

右漢西嶽華山廟碑其略云孝武皇帝修封禪之禮巡省五嶽立宮其下宮曰集靈宮殿曰存仙殿門曰望仙門歐陽公集古錄云所謂集靈者他書不見惟見於此碑爾余按班固漢書地里志華陰有集靈宮武帝起而

酈道元注水經亦云敷水北逕集靈宮引地里志所載
其語皆同然則不獨見於此碑矣而所謂存仙殿望仙
門者諸書不載

漢老子銘

右漢老子銘舊傳蔡邕文并書蓋杜甫李潮小篆八分
歌有曰苦縣光和尚骨立書貴瘦硬方通神世云此碑
是也今驗其詞乃邊韶延熹八年作非光和中所立未
知甫所見是此碑否而本朝周越書苑遂以爲韶撰文
而邕書初無所據碑言孔子學禮時計其年紀聃以二

百餘歲聃然老旄之貌也而史記言諡曰聃按古諡法無聃字又碑云孔子以周靈王二十年生今以年表及世家考之孔子以魯襄公二十二年生實靈王二十一年未知孰是史書周太史儋事云孔子死後二百二十九年徐廣注曰實一十九年今此碑所書正與史合不知徐廣何所據也

漢荊州刺史度尚碑

右漢度尚碑其首題曰漢故荊州刺史度侯之碑碑云其先出自顓頊與楚同姓熊下缺一字之後又曰統國法度

其下殘缺不可辨按元和姓纂度姓但云古掌度之官因以命氏不言其與楚同姓也又范曄後漢書列傳度尚自右校令擢爲荊州刺史破長沙零陵賊以功封右鄉侯遷桂陽太守徵還京師以中郎將破賊胡蘭等復爲荊州刺史後爲遼東太守卒於官今以碑考之云封右鄉侯遷遼東太守拜中郎將復拜荊州刺史以故秩居蓋未嘗爲桂陽太守而曰卒於遼東者皆史之誤余每得前代名臣碑版以校史傳其官闕歲月少有同者以此知石刻爲可寶也